

UGOVOR O JAVNOJ NABAVCI – USLUGE

Ugovorne strane:

- 1. KJKP „Vodovod i Kanalizacija“ d.o.o. Sarajevo**, ul. Jaroslava Černija br. 8., Sarajevo, koga zastupa v.d.direktor Enver Hadžiahmetović, dipl. ing. maš. (u daljem tekstu: Naručilac usluga) i
- 2. „Proving“ d.o.o. Sarajevo**, ul. Milana Preloga bb, Sarajevo, koga zastupa direktor Amir Krečo (u daljem tekstu: Pružalac usluga).

Član 1.

Predmet ovog ugovora je pružanje usluga: **„Ispitivanje i održavanje specijalizovane gromobranske zaštite na PPOV Butila“** (pozicija br. 366. iz Plana nabavke za 2019 godinu), a sve prema tenderskoj dokumentaciji br. KZ 68/19 i usvojenoj ponudi broj: 1998/19 od 17.06.2019. godine koja je sastavni dio ovog ugovora.

Član 2.

Ukupna vrijednost usluga iz člana 1. ovog ugovora bez uključenog PDV-a iznosi: **5.830,00 KM** (slovima: pet hiljada osam stotina trideset i 00/100 KM).

Ugovorena cijena je fiksna i ne podliježe bilo kojim izmjenama.

Član 3.

Pružalac usluga se obavezuje da usluge koje su predmet ovog ugovora izvrši prema uslovima iz tenderske dokumentacije i prihvaćene ponude.

Član 4.

Pružalac usluga se obavezuje da predmetne usluge izvrši u poslovnim prostorijama naručioca usluga i to sukcesivno u toku 12 mjeseci, u roku od 30 dana od dana prijema narudžbenice. Pružalac usluga se obavezuje da će obezbjediti zaštitu ljudi i imovine prilikom pregleda, ispitivanja i mjerenja.

Član 5.

Način i uslovi plaćanja su: u roku od 60 (šezdeset) dana po ispostavljenju fakture, na transakcijski račun Pružaoca usluga broj: 1610000025710055 kod Raiffeisen banke. Osnov za plaćanje izvršene usluge je faktura koju će Pružalac usluga dostavljati Naručiocu usluga, a nakon što je ista ovjerena od strane ovlaštenih lica Naručioca usluga da je usluga obavljena.

Član 6.

Pružalac usluga ima pravo na produženje ugovornog roka u slučaju više sile. Rok za izvršenje usluga produžit će se za onoliko dana koliko je trajala smetnja. Pružalac usluga je dužan podnijeti zahtjev za produženje roka Naručiocu usluga u roku od **3 dana** po nastanku razloga za produženje roka.

Produženje roka utvrđuje Naručilac usluga u pisanoj formi i to u roku od **5 dana** po pisanom zahtjevu Pružaoca usluga.

Član 7.

U slučaju kašnjenja u pružanju usluga, do kojeg je došlo krivicom pružaoca usluga, isti će platiti ugovornu kaznu u skladu sa Zakonom o obligacionim odnosima u iznosu od 1% naručene usluge, za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupno ugovorene vrijednosti koja je predmet narudžbe. Pružalac usluge je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Naručioca usluga.

Član 8.

Pružalac usluga se obavezuje da neće sklapati podugovor ni o jednom bitnom dijelu ugovora bez prethodnog pismenog odobrenja Naručioca usluga.

Član 9.

Pružalac usluga nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 10.

Na sve odnose i institute koji nisu regulisani ovim ugovorom, primjenjivaće se odgovarajuće odredbe Zakona o obligacionim odnosima, a eventualni sporovi rješavat će se sporazumno. Ukoliko sporazumno rješenje nije moguće, nadležan je sud u Sarajevu.

Član 11.

Sve eventualne izmjene i dopune ovog ugovora, ugovorne strane će dogovarati međusobno uz obaveznu pismenu saglasnost ugovornih strana.

Član 12.

Naručilac usluga može pisanim obavještenjem poslatom Pružaocu usluga, navodeći pri tom dan stupanja na snagu raskida ugovora, raskinuti ugovor u sljedećim slučajevima:

- ukoliko Pružalac usluga propusti da izvrši predmetnu uslugu u vremenskom periodu određenom u ugovoru;
- ukoliko Pružalac usluga propusti da izvrši sve druge obaveze prema ugovoru koje bitno mogu djelovati na rad Naručioca usluga i ukoliko odstupi od postavljenih tenderskih uslova i prihvaćene ponude.
- ukoliko Pružalac usluga bankrotira ili je insolventan na drugi način, pod uslovom da takvo raskidanje ne oštećuje ili ne djeluje na bilo kakvu obavezu koju Pružalac usluga ima prema Naručiocu usluga.

Pružalac usluga, može pismenim putem raskinuti ovaj ugovor, u slučaju da Naručilac usluga ne ispuni obavezu plaćanja, kako je definisano u članu 5. ovog ugovora.

Član 13.

Ovaj ugovor stupa na snagu kada ga potpišu obje ugovorne strane, a zaključuje se na period od 12 mjeseci od dana potpisivanja istog.

Ugovor je sačinjen u 6 (šest) istovjetnih primjeraka od kojih po 3 (tri) primjerka zadržava svaka ugovorna strana.

Sastavni dio ugovora su:

- Tenderska dokumentacija br. KZ 68/19
- Usvojena ponuda br. 1998/19 od 17.06.2019.god.

Za Pružaoca usluga:

Za Naručioca usluga:

Direktor

Amir Krečo


v.d. Direktor

Enver Hadžiahmetović, dipl.ing.maš.


Broj: 3101/19
Datum: 10. X. 2019

Broj: 575/19
Datum: 03. 10. 2019.